

تورک

تورک اولیٰ مجلسین

ضبط حرمینک لایسین

روز سکه اتیمی اجتماع

۲۵ کانون ثانی ۱۳۳۹ بخشبه

مدرجات

— ضبط سابق خلاصه سی

— لوزد کورزنت لوزان قونفرانسده کی بیاناتی اوزربنه جریان ابدن مذاکره

— الجزیره استقلال محکمه سی انجایی

— اعشار حصه اعانه سی حقنده کی قانونه غازی عبتاب مبعوثی عبدالرحمن لامع افندی به مأذونیتی اثناسنده تام
تخصیصات اعطایی حقنده کی قرارک نتیجه آراسی

برنجی جلسه

براً مذاکرات

دقیقه ساعت

۲۰

[رئیس — رئیس ثانی علی فؤاد پاشا حضرتلری]

کاتبیر : حق بک (وان) ، سلیمان سری بک (یوزغاد)

ضبط سابق خلاصه سی

رئیس — جلسه یی آچبورم، ضبط سابق خلاصه سی

اوقوناجق . (ضبط سابق اوقوندی)

ضبط سابق حقنده سوز ایستین وارمی ؟ (خابر

سسلری) ضبط سابق عیناً قبول ایدنلر لطفاً ال قالدیرسون!

ضبط سابق عیناً قبول ایدلشدر .

افندم! معلوم عالیکز دون آقسام وقتک کچ اولماسدن

دولایی اعشار حصه اعانه سی حقنده کی قانونک نتیجه

آراسی تبلیغ ایدله مشدی . برده عبدالرحمن لامع افندی

تام تخصیصاتی حقنده کی نتیجه آرا تبلیغ ایدله مشدی .

هرایکیسی ده عرض ایده جکه .

اعشار حصه اعانه سی حقنده کی قانونک آراسنه اشتراک

ایدن (۱۴۶) بناء علیه نصاب اولمدیغندن معامله تمام

دکلدر . یکیدن رأیکزه وضع ایده جکم .

عبدالرحمن لامع افندی تک تخصیصاتی حقنده کی نتیجه

آرایه اشتراک ایدن (۱۳۵) کشیدر .

معامله تمام دکل . هر ایکسی تعیین اسامی ایله یکیدن

رایه وضع ایدیله جکدر . لطفاً هر ایکسی حقنده رأیلر یکیزی

استعمال بویوریکز .

نبیل افندی (قره حصار صاحب) — اولا هانکیسی

ایچون رایه ویره جکیز .

رئیس — اولاً اعشار حصه اعانهسی حقدنه کی قانون ایچون رایلیکیزی استعمال بویوریکیز .

افندم ! عبدالرحمن لامع افندینک تخصیصانه لطفاً وایلیکیزی استعمال بویوریکیز .

لورد کورزونک لوزانه قونفرانسه کی بیانی اوزرینه همربانه ایسه میذا کره :

یوسف ضیا بک (بتلیس) — آرقداشلر ! لوزن صالح قونفرانسنده اثنای مذاکرانده انکلیزک باش مرخصی لورد کورزون بزله، اوت کورد آرقداشلر بکزه تجاوز، تعرض، حقارت ایدیور .

صالح افندی (ارضروم) — آکلاماش، آکلاماش . هر آکلادینی بوله ایسه چوق ای !! (خلط ایش، هذیان ایش سسلی)

یوسف ضیا بک (بتلیس) — وبوکا مع التأسف مرخصار من لازمی وجهله جواب ویره مشار مساعده عالیکزه بو کر سیدن لورد کورزونه جواب ویرمک ایستیورم . (همیز اشترک ایدیورز سسلی)

آرقداشلر ! لورد کورزون کورد ستاندن کلن مبعوثلرک مصطفی کمال پاشا طرفندن تعیین ایلدیکینی سویلیور . حسین عون بک (ارضروم) — انکلترده اولور اویله شی ؟ تور کیده اولماز ،

یوسف ضیا بک (بتلیس) — کرد آرقداشلر بکیز جاهل و کوردلری تمیل ایتیور دیور . (کندی جاهل سسلی) جهالتک معناسی اکر انکلیز سیاستنه اویماق ایسه بزاعتراف ایدرز که : جاهلز . (راووسسلی) طونهلی حلیمی بک (بولی) — انکلیزلر طقوز عصرلق مشروطیته مالک اولدینغی سویلیورلر . اونلر اوتانسونلر .

یوسف ضیا بک (بتلیس) — جهالت انکلیزلرک سنه لردنبری القات و افسادانه قایلیماق دیمکسه بزاعتراف ایدرز که جاهلز . آرقداشلر ! مبعوثلر تعیین دکل انتخاب ایدیور . (های، های سسلی) (ملت رشیددر سسلی)

برملت مبعوثلری انتخاب ایدر . بو حقیقت، بو بارز حقیقت قارشوسنده لورد کورزون اکر قیاساً سویله بورسه، اکر انکلترده کی تمینلره کوزم سویله بورسه اکر انکلترده مبعوثلر لورد کورزونلر، لوئید جورج لار طرفندن تعیین ایدیورسه او، بوکا نظر آ سویله بورسه معذوردر . چونکه قیاساً سویله مشر اولوبور .

سری بک (ایزمت) — انکلیزلر بو انتخابده ایکی میلیون لیرا صرف ایشلردر .

یوسف ضیا بک (بتلیس) — یوق حقیقتی بیله رکدن، حقیقتک خلافه سیاست یا بق ایچون سویله بورسه، بر قصد مخصوصله کلیشی کوزل سویله بورلرسه ...

حاجی شکری بک (دیاربکر) — خلط ایش او . یوسف ضیا بک (بتلیس) — بیاناتک قصد ایتدیکی حقارتی، بیاناتک افاده ایتدیکی حقارتی بوتون معناسیله کندینسه بو کر سیدن رد ایدیورم و آرقداشلر مدد ایدیور . (های، های سسلی) (بزده رد ایدیورز سسلی) (آلقیشلر) آرقداشلر ! بوراده، ملت مجلسنده مصطفی کمال پاشانک تعیین ایتدیکی مبعوثلر، اوشاقلر یوقدر (براووسسلی) (آلقیشلر)

صویصالی اسماعیل صبحی بک (بوردور) — فقط، انکلیزلرک تعیین ایتدیکی حجاز قرالی واردر .

یوسف ضیا بک (بتلیس) دوامله — بوراده بویوک برملتک و کیللی و واردر . اویله برملتان که سنه لردنبری انکلیزلر بوتون موجودیتلریله، بوتون وارلقلری ایله اونلری افساده چالیشدینغی حالده ینه اونلرک، لورد کورزونلری افساداتی دیکه ممش، و آیتینی مدرک بر ملنک، و کیللی واردر . (براووسسلی) آرقداشلر ! لورد کورزونلر، اوقاعتمده پاشایان انسانلر حالا بوملتی مصطفی کمال پاشالره طانیورلر سه بک زیاده آلدانیورلر . (براووسسلی)

طورسون بک (چوروم) — موضوع کوزل، دوام . یوسف ضیا بک (بتلیس) دوامله — حاله مصطفی کمال پاشالره قدرتلر، قوتلر، بر جوق صلاحیتلر اسناد ایدرک

میلیونریله، انکلیز آلتونریله چایشدقاری حالده کردلر
بو انتخابه اشتراك ایتدیلر. بو انتخابه اشتراكریله یالکیز
برغایینی استهداف ایتدیلر، اوده تورک قرداشلریله تشریک
مساعی ایتمک ...

حاجی شکرلی بك (دیاربکر) — استانبوله کیدن
مجلس مبعوثانه بیله انتخاب ایتدی دیدیلر. (ناموسمزددر
سسلی)

حق بك (ارغنی) — ناموسلی اولدیغنی کیم ادعا
ایدیور؟ ناموس یوق که حریفده ...

یوسف ضیا بك (دوامله) — آرقداشلر! بونون

قناعتلری بر نقطه ده طویلادیلر، اوعمده، اوغایه ایسه
تورک لره توحید مقدرات. چونکه: موجودیت، چونکه
وارلق، چونکه اسارتدن قورتولمق بوعمده محولدر.

(براوو سسلری) آرقداشلر! اکر لورد کورزونلر

کردلرک حق و حقوقدن بوندن اون بش سنه اول بحث
ایتسه ایدیلر قورقارم که بر تاثیر براقیر، بعض دماغلری
افساد ایده بیلیدری. فقط کردلر، کرد منورلری

آرناوودلغک عاقبتی کوروب دورور کن عراقک، سوریه نك
عاقبتی کوروب دورور کن، ایرلاندانک صدای ماتمی
ایشیدیر کن هیچ بر عاقبه، هیچ اغفالانه دوغری

کیده منزل. (آلقیشلر) هیچ برغایه کوتملر. اوصدالر
اویالانچی سسلر هیچ بر کیمسه یی اغفال ایده مزو مجرد،
مجرد کندی کندیلری آلداتیلر. بناء علیه آرقداشلر! یشته

او کونلرده، اوقره کونلرده بوجامه لرده انتخابه اشتراك
ایدن وزی بوماهیتده انتخاب وعزم ایدن، بز وکیلر
لورد کورزونه باغیرییورز که، بز کردستانک حقیق

وکیللری بز. سندن وسنک سیاستدن موصلی ایسته یورز
وآله جغز. (براوو سسلری، آلقیشلر) (موصله خیر سزلقله
کیردیلر سسلری) آرقداشلر! بو حقمزی، بو حوققزی

آروپا سیاسیلری تسلیمده تردد ایتملمی و کجیکمه مایدیر.
تردد ایدرلر و کجیکر لرسه پترو قوبولرنده ایکلین، انکلیز
سیاستنک یانی باشنده قانلی قوبولر حاضر لایه حق بینه

او کردلردر. (براوو سسلری، آلقیشلر) بناء علیه
آرقداشلر بز حقمزی طلب ایدیورز و حقلی بر صدا

بوراده بر مجلس دکل بر پاشا اولدیغنی فرض ایدیورلرسه
چوق خطلا ایدیورلر. بوراده آنجق و آنجق بر ملتک
قناعتنده حر، رأینده حر مبعوثلری، وکیللری وارددر.

(براوو سسلری) پاشا حضر تلری، بوراده کی آرقدا-
شلردن مقابل اولمق شرطیله فضله جه حر مه مظهر درلر.
(های های سسلری) بوندن باشقه پاشا حضر تلرینک،

نه فضله بر صلاحیتی، نه فضله بر قوتی ونده بر قدرتی ونده
دیدکلری کبی مبعوثلری ملت وکیللری تعیین ایده جک
بر صلاحیتی وارددر. (اوده آقره مبعوثیدر، بر مبعو-

نذر سسلری)

نجیب (ماردین) — یوسف ضیا بك! لورد
کورزونی تکذیب ایدن مضابط انتخابه مزدر.

یوسف ضیا بك (دوامله) — آرقداشلر! لورد
کورزونه بحق جواب ویرمک ایچون نظر دقتکنزی ماضی به،
بر آنکچمش کونلره ارجاع ایده جکم. او کونلره که آنجق

او کونلردن بو کونلر کورونور. او کونلردن بو کونلکی
حقیقتک ماهیتی تظاهر ایدر. ۱۶ مارت حادثه سی تحت
ایتمش، متوفی عثمانلی ایمر اطورلنی بر انقراض هر ج و مرج

ایچون چیرینور، ویلسونک معهود پروژمسی حالامل
واقوامی آلدانه جق بر قیمت محافظه ایدیور. اوروپانک
سیاست ایاجیلری حالامل اقوامه حق، حقوق

ویره جکسندن بئمله حاقیر یور، باغیرییور. خلاصه بر قهقهه نك
ترانه سی چینلایور. ایشته او کونلرده بو یوک ملت مجلسی
اجتماعه دعوت ایدلمش، خلقه مبعوثلرینک انتخابی

لزومی تبلیغ ایدلمشدر.
آرقداشلر! ایشته بو کونلرده لر کردلر سربست ساحه ده
و هیچ بر تضییق آتنده اولمایه رق بو انتخابه اشتراك ایتدیلر.

اگر کردلر آریباق، عزیزباق کوتسه ایدیلر بو انتخابه
اشترك ایتمز، بو انتخابه آرقه سنی دوز، فکرنی ترویج
ایچون چالیشیرلردی. هیچ بروقت، هیچ بر تضییق
اوناری اویولردن چویره مزدی.

حسین عوفی بك (ارضروم) — متارکده کونلردر-
دکلری پاره لرینه کندی یوزلرینه چاریلدی.
یوسف ضیا بك (دوامله) — آرقداشلر! بونون

تعیینی صورتیله اولدینی . شمدی ایکی مسئله وار . بو سوزمه باشلاز کن انگلیزله دأر بعض تاریخی حکایه لرده ایراد ایدیلن بر بیت عربی ایراد ایتک لزومی حس ایدیورم . اوده بصره ده انگلیزلردن اوفق بر فردک تعرضه اوغرادینی زمان بصره لیمانه آصدینی برلوجه ده انگلیزلر شویله بریت یازمشلردر .

« الا لانجهلن احد علینا »
« فتجهل فوق جهل الجاهلینا »

انگلیزلر ؛ کیسه بزمجاهل ایدرک بر فئالق ایتمه سون اوزمان بز جاهلردن دها بویوک جاهل اولورز دیور . شمدی جاهلردن دهابویوک جاهل اولق زماخی قبول ایدن انگلتره ذاتاً کندینه مخصوص بوجهالتک فته و فساد ، کندینه مخصوص معند فته و فسادسیاستیه یایدینی ساحه لرده چیقاردینی آتشلر ، بومبار یتشمیورمش کبی بوساحه یه ده هجوم ایدیور و کورد ، تورک و مختلف نامر آلتند متحد بر کتله نک ، برمت واحده نک بولوندیغندن چوق خبردار اولدیغندندر که بونری ده تقرقه یه ، اختلاله ، اختلافه سوق ایتک ایسته یور . (ایده من سسلری) افندم ! انگلتره ممثل سیاسیسی اولان کوززون فساد و فته ملاحی قدیماً استعمال ایده کلیدیکی ایچون بو کونده وحدت قطعیه ایله تجلی ایدن حدود طبیعه من داخلنده کی ایکی اصیل ونجیب ملتزمک اوزرنده ایشله مک ایسته دیکی فساد و فته نک قیمتی اولدیغنی کندیسیده بیلدیکی ایچون الک عاجزلرک سلاحنی استعمال ایتش ، عادتاً جاهل اقوامک صوک سلاحی اولان سب و شتم چاره سنه ، عزیزنه ، درک سنه اینشدر . افندیلر ! بزم حسابمه جواباً لورد کوززونه دینه جک ایکی شی واردر . کاظم قره بکر پاشا قومانداسنک ولایات ثلثه ده یایدینی ظفر تاریخلرنده باراغنی ، قانی ، مزراغنی ، آخی اوینادان اصیل ونجیب کورد عرقی و کورد قومی ایدی . افندیلر ! یونان کبی عادی ودنی خصمنی کندیسنه مقدر اولان فلاکت اوچوروملرینه دو کر کنینه دو کولن قانلر تورکله برابر کوردک ینه اصیل ونجیب قانی وفیداکارلنی ایدی . بناء علیه شو ایکی فداکارلنی یاپان ، کندنی منافعی تورکک خلاصنده بولان کوردلر سعادتی کوردله تورکک وحدتنده بیلیر . بوئی بیلیمک کافی

ایله بوتون بشریته باغیزییورر که بزم حقمزی ویرمیلیدر . حقمزی طلب ایدرکن ، حقمزک قارشوسنده لورد کوززونلرک ایکنرچ صدالرینه قولاقلریمزی طبقایورز . لطفی بک (سیوه رک) — رجا ایدرم ضیا بک ، لورد دیمیکز قورت دیمیکز ! (خنده لر)

یوسف ضیا بک (بتلیس) دوامله — آرقداشلر ! بو حقمز تسلیم ایدلرزه ، او بکنمیدیکی کوردلرک اللریله حفر ایده جگمز قویولرده انگلیز سیاستنی بوغاجفر . الله شاهد اولسون . (انشالله سسلری ، آلقیشلر) بناء علیه ، بز طالب حقر . حقتنی ، حقوقنی طلب ایدنلرک یاردیحیسی حضرت اللهدر . (آلقیشلر) (بر اووسسلری) رئیس — افندم ، مساعده بویوریکز ! روزنامه ده بو خصوصده برشی بو قدر . یالکیز بو کونجی غزته لرده بوبابده حوادث واردی . (کوروتیلر) مظهر مفید بک (حکاری) — بنده کز سوز ایسته دم . نه ایچون ویرمیورسکیز رئیس بت ؟ !

حمدی بک (کنج) — مهم بر مسئله در ، هر کس بوبابده سوز سویله میلیدر . (هپ سویله جکیز سسلری) مظهر مفید بک (حکاری) — بنده بر کورد مبعوثیم لورد کوززونک تحقیرانه قارشو کورد مبعوثلری سکوت ایده من . سویله جکیز . حاجی الیاس ساهی بک (موش) — افندیلر ! بر تقریرم وار او قونسون ایضاح ایدیم .

رفیق بک (قونیه) — یالکیز کورد مبعوثلرینی دکل بوتون تورکیا خلقنی متأثر ایدن حیدود انگلیز سیاستنی جهان قارشو اعلان ایده جکیز (بر اووسسلری ، آلقیشلر) رئیس — افندم ! بوبابده مذاکره قبول بویورانلر لطفاً ال قالدیرسون ! قبول ایدلشدر . (آلقیشلر)

حاجی الیاس ساهی افندی (موش) — افندم ! اوراق حوادنده لورد کوززونک صلح ماصه سی اوزرنده اثنای مذاکره ایکی منقور کله سی وار . بریسی ، منسو بیتیه افتخار ایتدیکم عرق و ملیتمک تحقیری . ایکنجیسی ، کورد ممثللرینک مصطفی کمال پاشا حضرتلرینک نامنی یاد ایدرک اونک انتخابی صورتیه ... (تعینی سسلری) اوت

قوهرانسده بیاناننده کوردلرک بو مجلس عالیده بولونان کوردلرکی تمثیل ایدن مبعوثترینک جاهل ، بر شی بیلمز و بناء عالیه مصطفی کمال پاشانک ، تعیینیه مجلسه کلدکلری سویله مشدر .

عونی بک (صاروخان) — مصطفی کمال پاشا اونی خاطرندن کچیرمز ، یایاقالدی کورزون .

مظهر مفیدبک (دوامله) — افندیلر ! ملک سیاستنی تدویر زعمنده بولونان بوانکلیر دیپلوماتیک تاریخک بک بسیط بیانانندن اولان برشیئی دخی بیلمه دیکنه بوتون عالم حیرت ایتسه سزادر . بوتون عالم تأسف ایتسه بری واردر . اوده شودر : عجبا بو کورزون دنیلن ذات کردستانک

حکمداری اولان ادريس بتلیسینک یاووز سلطان سلیمه طوعاً مطاوعت ایتدیکنی بیلمه یورمی ؟ (آلقیشلر)

ینه کورزون صلاح الدین ایوبینک کورد اولدیغنی بیلمیورمی ؟ وینه کوردک تورانی الاصل اولدیغنی و تورکلرک عموجه زاده سی اولدقیرنی (آلقیشلر) وحق تورک اولان هیئتله برابر بو کونه قدر برابر یاشادقیرنی بو مملکتک بوتون فلاکتلرینه اشتراک ایتدیکنی بیلمیورمی ؟ اکر تاریخک بو قدر بسیط اولان اساساتی کورزون بیلمیورسه بو بر دیپلومات دکل و بلکه ... (قره جاھلدر سسلری)

شکری بک (بولی) — اجھل جهلا قره جاھل .

مظهر مفیدبک (دوامله) — بو بر دیپلومات دکلدر .

بلکه افندیلر ! علمیه ، مکتبلریله افتخار ایدن انکلترونک خارجیه ناظری کلسونده بزم اعدادی مکتبلرنده بو بسیط قواعد تاریخیه بی بوتون طلبه نک بیلدیکنی کورسون و اوقوسون . افندیلر ! ینه کورزون بیلسونکه بو مجلس عالینک تشکلندن چوق اول بن بتلیسده بولوندیغ زمان انکلترون ملهم اولان فرید ملعوننک آرانسلره کردستانی ارمنستانه پیشکش چکدیکی زمان کردستانده مملکتی ایچون ، وطنی ایچون مرحوم عثمانی حکومتی ایچون حرکات وطن پرورانه درحال باشلامشرا ایدی .

توفیق بک (وان) — کندی دوسیه لرینی بو قلاسون .

مظهر مفیدبک (حکاری) — افندیلر ! اونی

بیلمیورسه بونی کورزونک بیلمیسی لازمدر . بتلیسک

اولدیغنه کوره اوچنجی بر مثال اولق اوزره لورد کورزون بیلملیدر که صلح ماصه سنده منافع و شرفنک تقدیر و تصدیقی و ویرلسنی بکله بن کرد ملتی لورد کورزونک جاهل صفتیه توصیف ایتمک ایسته دیکی اوملت کندیسنه اوماصه دن حق و حقیقت واستقلال کله چکنی بکله مش وموصل اوزرنده یالکیز دکل اوافق بر حرکتیه بوتون بوانکلیر دونانماسنک یورومه دیکی اوچوللرده انکلیز لری بغداده قدر صوقتی کندیسنه اهم وظیفه عد ایتشدر . (براووسلری ، آلقیشلر)

هاشم بک (چوروم) — صلاح الدین ایوبینی بونوتدیلمی ؟

حاجی الیاس سسامی افندی (موش) دوامله —

افندیلر ! بنده کن سوزمی خلاصه ایدر کن دییه چکم که [المرأمرأت اخیه] لورد کورزون انتخابنده کی دناشکارانه حکملری کندی تطبیق ایتدیکی محیطلرده چوق ائی بیلور که فضائل عالیه مایه مزدن خبردار اولمادیی ایچون کتندم کوردیکی قصورلری بزه اسناد ایدیور . افندیلر !

ساحه انتخابنده هر حالده چوق پامش اولدیغی بر مسئله در که تمثیل حقیقی اولماق اوزره . بویوک اسنادی بزه یایور . کندی ظننه کوره ، کندی ظن فاسدینه کوره ملتتمزک

جاهل دیدیکی اک بویوک یر افندیلر درسمدر . درسک

مجلسکنزک حقیقی تمثللری صره سنده آئی مبعوثلری عرض

اندام ایدر . بوناردن دردی عسکری قوماندانلغنه قدر

ارتقا ایتمکه برابر تحصیل عالی کورمش آرقداشلردر .

صو کره لورد کورزون صوکه اوله رق دیورم که کندی

ظننه کوره مرکز جهالت اولان درسک هیچ بر فرده

سرفروایتمه مش و طقسان یاشنه گلش بر دیاب آغاسی واردر .

یاشی کیسه یه نصیب اولماش حیانه هر فرده میسر

اولمایان بر آدمدر . بولک درسمده کی خصوصی کرد

جماعتی اداره سنده اکر لورد کورزون اونک قدر موفق

اوله رق ، ملتی اداره ایدرک چوقوره چکمرسه اوزمان

کندیسی تقدیر ایتک لازمدر . (آلقیشلر)

مظهر مفیدبک (حکاری) — عالم سیاستی اداره ایتک زعمنده بولان ، کورزون دنیلن شخص بچنده

زاغو ناحیه سنه کلن کیرمک ایسته یین موصلدن کن
 انکلز مفرزه لرینی کوردلر نه یامش لر ایدی ؟ بر آووج
 کوردلر او ترک عسکرلیه ، طویلرله محاربه ایتش لر وانکلز لر
 صوقا مشارد افندیلر . رجا ایدرم افندیلر ! کورزونلک
 و بوتون انکلز لرك آکلا به میه چی برشی واردر . اوده
 کورزون یالکیز موصل بزمدردیه ادعا ایدر کن - او بزمدرد
 محقق یاس عراقی ده الدن قاچیر ماسین . بونی ایودوشونسونلر
 زیر افندیلر آری حکومت تشکیل ایتسون ، نه اولورسه
 اولسون آره مزده اویله رابطه واردر که الی یوم القیام
 اورابطه زواله اوغرامیه جقدر . افندیلر ! اوده اسلامیتدر .
 (براو سساری) نه کیم بصره ده بر شعر کفته لمش
 تریم ایدیلن بر شرقی واردر که بونی سلیمان ظلیف بک بیلمم رده
 کورمش اصادف ایتش بونی انظار عالی کیزم عرض ایدم حکم .
 دیبور که افندیلر ! تورکلر بصره دن کیدم الی بن اوعلی
 شطه دوشمش غریب بر والده کیم . ای شط بورو !
 اونلر بزملر سه بزنی اونلر کونورد دیبور امشی بصره ! دیبور
 ایلری بورو بصره دیبور یلورس کیز که بونلر آری بردولت
 تشکیل ایتکه برابر اسلامیت نقطه نظرندن حالاً قبلرینک
 بزدن آیرلما دینی کوسترن شیلدر . افندیلر ! کورزون
 دیبور که کوردلر جاهل ایش کورزون دیبور که کوردلر
 او قومه بیلمز ایش بناء علیه کور کورینه اطاعت ایدر
 ایش . مبعوثلرده اوصورتله تعیین ایدلمش . رجا ایدرم
 افندیلر ! محترم کوردلرک مبعوثلری بوراده در . کوردلرک
 ذکا ، درایت و وطن پرورلکلرینه و کوردلر نظرنده
 تورکلرک کندولرندن آری برشی دکل قارداش اولدقلرینه
 اک رسمی بر دلیل اولق اوزره شونی عرض ایدرم که
 کوردستانده مبعوث اولق شرائطینی حائزیک چوق ذوات
 وارایکن کندیلری کورد و تورکی آری آری کورمد -
 کلرندن تورکلرندن اعتماد ایتدکاری ذواتی بیله انتخاب
 ایتش لدر . مثلاً بن کور اولما دینغ حالد محترم حکاری اهالیسنک
 ابر توجهی اولارق مبعوث انتخاب ایدلمش واستانبوله کوندرلمش
 ایدم . بوده کوردلرک نظرنده کورد و تورکلر بر اولدینغی ،
 آری اولما دینغی کورستر کوردلرک تورکلرندن آیرلق
 امکانی یوقدر . اونلر بر کتله واحده در . بسیط بر مثل

دها عرض ایدیم . کورزون کوردلرک نه فکرده اولدینغی
 آکلاق ایسته بورسه افندیلر بر کون ایچون موصلده کی
 طیاره و عسکر لرینی چکوبور - یین یاخودرای عامه مراجعت
 ایدم . کورسون که او اهالی اونلریمی ، بزینی ایسته بور .
 فقط او ایغنی موصلدن چکمزسه بو بوک ملت مجلسی
 و آرسلان اردولری موصلدن ایغنی چکمک ایسته یین
 انکلز لرك ایغنی قیرمحق ، قهر آ و جبراً اورادن اونلری
 چقارم جقدر . (الفیشلر) افندیلر ! صوگ سوزم اوله رق
 شونی عرض ایدیم که بن بویاشه کلمه مملکتی ادره ایدن
 آدملر اچریدسنده دین عرض ایتدیکم کئی پک بسیط
 خصوصاتی بیله کورمین کورزون کئی . دیپلوما نه راست
 کلم . بو کسک آدملری کورزون کئی ایسه علمده حضور
 و راحت و آسایشک دوام و بقاسنه امکان یوق دیمکدر .
 بونلرک هپسی ، هپسینی بجه منافع شخصی سنی منافع عمومی به
 ترجیح ایله موصلده کی پترول منبع لرینی یونمق ، استفاد
 ایتک فکرندن ایلری کلور . فقط پترول منابعینی یونمق
 ایسته یینلر او منبعلرده بوغوله جقدردر . پک وطن پرور و ذکی
 اولان کوردلر قارشو کورزونلک سوزلرندن محترم حکارایلرک
 مبعوثی اولق اوزره مفتخر و مشرف اولدینغ حالد
 کورزونه هذیاتی اعاده ایدرم . (قهر اولسون سساری)
 (خرسزلر بدلالر سساری)

حسین عونلی بک (ارضروم) — افندم ! لورد
 کورزون جنابلری صرف ایتدیکی بو مناسبت سوزله
 یالکیز کوردلری دکل یالکیز کورد مبعوث لرینی ایچنه قبول
 ایدن تورکیا مبعوث لرینه ده دولایسیله ضمناً حقارت ایتشدر
 طیبی بومردوددر . بزمشروع بر صفتی حائر اولمیان
 انسانلری قطعاً ایچمزه آمادق و اونلرک مشروعیته قانغز .
 اویله بر تضاده دوشوبور که حرمتله قارشوسنده مذا کره
 ایتدیکی عصمت پاشا تورکیا بو بوک ملت مجلسندن انتخاب
 اولونمشدر . بناء علیه بردولت ممثلی اوله رق حرمتله مذا کره به
 کیریشمشدر . دیمک که بو کئی ذوات منفعتلرینه اویدینغی
 زمان مشروع ، اومدینغی زمان غیر مشروع تلقی ایدیورلر .
 دعولرینک بطالاتی شونکه نابتدر که تورکیه بو بوک ملت
 مجلسی و ایلمک میثقی چیز کن دوشونمش اولدینغی شی عراقی

سوریهی و سازمینی کیمسه به پیشکش چکمت ایچون دکل، اوزاده کی دینداشلیرمزك مستقل بز حکومت حالنده یاشدا مه سنه معطوفدر. کوریورسکز که: جهان حضورنده عراق، انکلیز موصل دعوا سنده ظن ایتمورم که لورد کورزون، بروکلت و یرمش اولسونلر. کوردلرک مرخصلری ده لوزانده قارشولرنده در. بوکا؛ تجاهل عارفانه دیمزلر، بوکا عظیم مغالطه دیرلر. جهان بشریت بومغالطه یی ادرک ایتیه جک قدر دو یغوسز ایسه - که امکانی بو قدر، محالدر، بونک هر کس آنتر یقه، چیرکین بر آنتر یقه اولدیغی کوریور - بوراده تورکلک و کوردلک حقتده سوز سویله ملک او ایکی تملدکته عاندر مسئله در. لورد کورزون، کوردلرک فضولی او وقتانلی ایله کندی قرداشلری عاینه ایراد کلام ایدرکن مرخصلریمز وظیفه لرینی آ کلامش لردر. بوکا تعرض ایتمک ایسه دکاری زمان ظن ایا بیورم که وظیفه لرینی یا پا حق لردر. چونکه بورادن آلدق لری صفت مشروعیته بونی ایجاب ایتدیرر. بورادن کندیلرینه اخطار مه لزوم بو قدر. بر مسئله اولارق سوز سویله مکسینه دکمز. اونلر تورک و کورد مرخصی اوله رق، شاید سیاسی انتر- یقه لرینک حاکم اوله جغنی حس ایدر لر سه، اونک جوانی و یرمک اوزره بورایه کله جکلر در.

طونعلی حلمی بک (بولی) - براو وحسین عونلی بک!
کبره جک کوبک جامع دیوارینه سیهرمش.

مفید افندی (قیر شهر) - افندیلر! بنده کزیدن اول سوز سویله بن رفیقم حسین عونلی بک «بوراده بویله بر مسئله نك مذاکره سنک بیله لزومی بو قدر. بزم مرخصلریمز اونلرک قارشوسنده بزدن آلدق لری قوت و قدرت ایله کندیلرینه، لازم کلن جوانی و یرم جکلر در.» بو یوردیلر که حقیقه طوغری سویله دیلر. فقط بوراده تورکلک و کوردلک مسئله سنه دائر مذاکره جریان ایتمه بور، ظن ایدرم. هپسی برو جود اولان بو بوک ملت مجلسی اعضا سنندن اولان بر قسمی حقتده اسناد ایدیلان جهل و او مجلسی بوراده طویل امغه سوق ایدن سسائق، باشقه بر صورتده بورایه طویل ادرندن دولای اولره جواب و یرمک لازم کلور. متجزی اولمایان بر شیلک بر جزئه

واقع اولان تعرض، عمومه شامل اولدیغی ایچون رد و تقییح ایتمک و کندیلرینی بتون انظار بشرده ترزیل ایتمک ایچون مذاکره ایجاب ایدر. (چوق دوغری صدالری) افندیلر! بوندن اوج درت کون اول برغزه نه دینه او مسئله ایله علاقه دار اولان و آرقداشلریمک واقف اولدق لری بر مسئله ایله، بزى عالم بشریته قارشى کوچوک دوشورمک ایچون نه کبی حیلله و تذویرات ایله بزى دوزاغه دوشورمک ایچون بر مسئله اعلان ایتدیلر. اونى عرض ایدر سهم حیرنده قالیرسکز. بو کون اسلامیتک انکلیزلرک و آرقداشلرینک قوردق لری دولایه دوشمه به جکلرینی کندیلرینه آ کلامق ایجاب ایدر. انکلیزلر عدلی قایتولاسیونلرک الغاسنی صویه دوشورمک ایچون کندی غزته لر یله بر مسئله احداث ایتشلر. اعلان ایدیورلر و دیورلر که:

انکلیزه حاکمیتده بولونان مسلمانلردن بریسی انکلیز تبعه سنندن بر خرستیانی اولدیرمش. اونى محکمه محاکمه ایتدیکی اننده شاهدلرینی دیکه به رک فعل قتلک عمد او قوع بولمش اولمق اعتبار یله اعدامنه قرار و یرمش فقط دیور مسلمان اولمق مناسبت یله بونک اعدامی لازم کلوب کلدیکنی مقبیلرندن صورمق ایجاب ایتدی. مقبیلر دیور که:

بر مسلمان بر خرستیان ایچون اعدام اولنه ماز. بوکا نظر آ اکر تورک محکمه لرندن عدلی قایتولاسیونلری قالدیر سه ق بزم تبعه مزک حقوقی نه اوله جقدر؟ دینه عالمه اعلان ایدیورلر. افندیلر! انکلیزلر بیلسونلر که: اسلاملرک اننده بولونان قانون الهی، احکام شرعیه دوغری بدن دوغری به، مذهب خفیده بو یور یور که بر مسلم بر ذمی یی اولدیر سه قصدا اودمی یی قتل ایتدیکنندن دولای مسلمانک اعدامی لازمدر حکم شرعیسنی و یر یور. بونی انکلیزلر بیلسونلر. بونکله بزم محکمه لریمزده قایتولاسیونلری ابقایه چالیشور لر سه بونکله عالم اسلامی، عالم علم و عرفانی قاندرمه جق لری بورادن عرض ایدیورم و سویله یورم که امین اولسونلر افندیلر! بنده کز اوله بر تشبیه ایتمک ایسترم که بو مجلس عالی تورک ملتک، تورک حکومتک بو غولمی و محوی ایچون

یاغدیریان باران بلانک ایچندن کندیسنی قورنارمق ایچون سفینه نوح شکلنده یاپیلیمش برکمی و او کینک ایچنده هر نوع قومه منسوب یعنی اسلام اولان قرداشلر- یزدن هر برک مملکتری اوکمی بی اللهک عنایتله و بوملتک عظمت و قدرتی سایه سنده ساحل سلامتیه چیقارمش . بوندن سوکره بونلر ، بوکمی بی باطیرمق ایچون باران بالار یاغدیرسه لر جناب حقک لطف و عنایتی سایه سنده هیج برشی یاهمه جقارنی آ کلاسونلر . بو مجلس عالی یکو وجود و کتله واحد حالنده آل آن دوام ایدیور و دوام ایده- جکدر ، بزى بیقامیه جقار افدیله ؛ (انشاء الله صدالری) بو نقطه دن بزى ، کردلری دکل تورکلری ، بو یوک ملت مجلسنک هیئت عمومیه سنی تجهیل ایتمک ایسته ین انکلیزلر بزى بو نقطه ده تجهیل ایتمه سونلر . بوندن اول کندیلرینک مدینتیه ، کندیلرینک سوزلرینه اینانه رق مدانیه ده کی توقمزدن دولای بزى - سوز سوبله مک الحجاب ایدرسه- سوز سوبله مک حقلمی واردر . توق ایتمک انسانییت یایدق و نتیجه سنده بوالسایت مزدن دولای مضرت کو- ریورسه ق اونک اخذناری بی بو مجلس اللهک لطفیله و بوملتک سایه سنده آل جقدر . بونی کندیلرینه اعلان ایدیورم .

(آلقیشلر) (مذا کره کافی صدالری) .

حسین عونى بك (اضروم) - کچن برغزته حى هذیان اوله رق اضرومک سکزدانه مبعولرندن بردانه سنک بيله اضروملی اولمادیغنی سوبله یوردی . اضرومک سکزدانه مبعونی اولدیغنی و سکزینک دخی اضروملی اولدیغنی بر کره ده تکرار ایدیورم . شرعیه و کیلی و هبی افندی (قونیه) - افندم! آراه تورکلک و کردلکدن بحث اولونیور . بو مجلسده تورک، کرد یوقدر ، بر کتله اسلامیه واردر و بو کتله اسلامیه ایچنده جاهل بر فرد یوقدر ، جمله سنی منوردر و منور اولدقارنی عالمه اثبات ایتمشدر . بوندن سوکره لورد کورزونه ایکی شی خاطر لاتمق ایستیم . بریسی ششودر که متارکدن سوکره کردستانى از منیلره الحاق ایتمک اوزره یاغدیرمش اولدقاری لیرالری و دساساقلده ماهر اولان انکلیز سیاست دسیسیه سنی اورالره تعمیم و تشمیل ایتمک

و برطاقم پروباغاندالر یایمق ایچون کوندرمش اولدیغی پارملری ، اوجهل یله توصیف اتمش اولدیغی کردستان اهلینک نه صورته رد ایتمدیکنی و اولیرالک فصل بوغه کیتدیکنی لورد کورزون خاطر لامیلدر . بزلی ، بونلری ، بیلیمه یورظن ایدیورسه ، بزلی چوق شیلری بیلوروز و هر فرد مزده بیلور . چوق پارملر کوندرمشدر و چوق شیلره تشبث ایتمشدر . فقط هپسی عقیم قالمشدر . بونی چارچابوق اونوتما سنی کندیسنه توصیه ایدرم . ایکنجیسی ؛ شریف پاشا ، یارنده و آوروپانک بعض محللرنده بن کردستان لهنه چالیش یورم دیدیگی بر زمانده کردستان اهلینک هر جمله سنی شریف پاشانی نه قدر تذلیل ایتمک لری برغزته ستونرینه نلر باغدیردق لری لورد کورزونه خاطر لاتمق ایسته یورم . بونی اونوتما سون . بو پروباغاندانک صوک دوره سیدر . امین اولک افندیلر انکلیز پروباغانداسی اولمک اوزره در ، جانی چیرین یورم (کبرین صدالری) .

رئیس - مذا کره مک کفایتنه دائر نقر لر واردر . مذا کره مک کفایتنی قبول ایدنر لطفاً اللری قالدیرسون ؟ نقر لر اوقوبه جقدر :

ریاست جلیله به
قیمتلی وقتلریمزى لورد کورزونک قیمتسز سوزلرینه جواب ویرمکله اضاعه ایتمه یلم . چونکه : « خصمک ستمن آ کلامه مق خصمه ستمدر » دستوری جمله مزک معلومیدر . مذا کره مک کفایتیه لده موجود نواحی قانوننک مذا کره سنه کچیلیمسنى تکلیف ایلم .

اضروم مبعونی
محمد صالح

ریاست جلیله به
مذا کره کافیدر . جریان ایدن مذا کره اتک خار جیه و کیلمز واسطه سبيله کیفیتک لوزان صلح قونفرانسینده بولونان مرخصمهزه تبلیغ ایتمسنى تکلیف ایلم .

۲۵ یانون ثانی ۳۹
ملاحظه
صدقی

ریاست جلیلیه

مذاکره کافیدر . مذاکرات نتیجه سنک جهان افکار عمومی سه نشر واعلاتی تکلیف ایلم .

استانبول
علی رضا

ریاست جلیلیه

لوزان قونفرانسده انکلیزباش مرخصی لورد کورزونک مرخصلر من حقنده استعمال ایتدیکی تذلیلکارانه سوزلره مقابله انکلیزلی آداب اجتماعیه به عدم وقوفله اتهم ایدیجی حکمه اخلاقی ماهیتده بیانانده بولنه رق اعطای جواب ایلمری وظیفه لرینی ایفاده کی وسعت تحسینات لرینی کوستردیکندن دولایی مجلس عالی نامنه کندی لرینه تشکر ایلمسنی تکلیف ایلم . ۲۵ کانون نانی ۱۳۳۹

ایزمیت
سری

مجلس ریاست جلیلیه سه

اوراقی مطوعانده کوردیکمزه نظراً انکلیز خارجه ناظری لورد کورزون لوزان قونفرانسده مجلس عالیده کی کرد مبعوث لرینک کلیاً جاهل اولدق لرینی ومثل حقیقی بولونمادق لرینی تقوه ایتمکله هم مجلسمزی وهمده کردلری تحقیر ایتشددر .

مومی الهک بوبیاناتی بدیهی البطلان اولقله کندیسنی شدیداً پروتستو ومد کور حقارتلری کندیسه ردواعاده ایدرز . اشبو پروتستومزک مجلسجه تصویبه اقران ایله بوتون جهانه تبلیغی تکلیف ایلرز .

اورفه	درس	درس	موش
پوزان	مصطفی	دیاب آغا	الیاس سامی
	قارص	ماردین	موش
	فخرالدین	درویش	علی رضا

رئیس — افندم ! بو تقریرلری خلاصه ایده جک اولورسه ق برقسیمی دوغریدن دوغری به روزنامه به کچمک ناکرآنک خارجه تکذیب مقصدیله اعلان قسمنده ده صلح قونفرانسده

بولونان هیئت مرخصه مزک وظیفه لرینی حسن صورته ایفا ایتدک لرندن کندی لرینه تشکر ایلمسنی تکلیف ایلدیلور . بولری نظر دقته آله رق خارجه وکالتجه صلح قونفرانسده کی هیئت مرخصه مزه تعلیمات لازمه ویرلمسنی قبول ایدنلر لطفاً اللرینی قالدیرسون ! قبول ایدلمشدر .

الجزیره جهرسی استقبول محکمه سی انتخابی :

رئیس -- روزنامه به کچورز افندم . معلوم عالیکنز روزنامه ده استقلال محکمه سی انتخابی واردر . مساعده بویوریرسه کز بو کون یاپالم . چونکه اوچ کوندر قالدی . الجزیره جبهه سنده بر استقلال محکمه سی انتخابی یابیله جقدر . بناء علیه رأیلر یکزی استعمال بویوروک . بر رئیس ، بر مدعی عمومی اوچ اعضا انتخاب اولونه جقدر .

اعشار حصه اعطاسی مقنده کی قانونه غازی عینتاب مبعوثی عبدالرحمن لامع افندی به مأذونیتی اتاننده تام تفصیصات اعطاسی مقنده کی قرارک تئیمه آراسی :

رئیس — افندم ! اعشار حصه اعانه سه عائد نتیجه آرای رأی عالیکنزه عرض ایده ایم . رأیه ۱۶۰ ذات اشتراک ایتمش ۱۵۶ رأی ایله قبول ایدلمشدر . غازی عینتاب مبعوثی عبدالرحمن لامع افندی به تام تفصیصات اعطاسی مسئله سنده رأیه اشتراک ایدن ذوانک عددی ۱۴۰ . ۴۶ رد ، ۱۶ مستنکفه قارشی ۷۸ رأی ایله تام تفصیصات قبول ایدلمشدر . افندم ! استقلال محکمه سی انتخابنده رأینی استعمال ایده جک ذوانک اسامیسی او قونینور . بویوقلامه ماهیتنده در . اسملر کز او قوندقجه رأیلر یکزی استعمال بویوروک . اسملری حداسنه اشارت ایدیله جکدر .

افندم ! استحصال آرا ختام بولمشدر . باقرعه یحیی غالب بک (قیرشهر) ، مصطفی فهیمی افندی (بروسه) ، حسیب بک (مرعش) تصنیف آرایه مأمور ایدلمشدر .

ختم مذاکرات

دقیقه

ساعت

۱۵

۲

[ایکنجی جلسه خفیدر]

اوچنجی جلسہ

برائے مذاکرات

دقیقہ ساعت

۴۵ ۴

[رئیس — رئیس ثانی علی فؤاد پاشا حضرتلری]
کاتبلر : حق بک (وان) ، سلیمان سری بک (یوزغاد)

رئیس — افندم! جلسہ علیندر. مساعده بویوریرسه کز الجزیره جبهہ سی استقلال محکمہ سی انتخاباتک نتیجه سنی رأی عالیکنزہ مرض ایدہم. استقلال محکمہ سی اعضالری ایچون رأیہ اشتراک ایدن اعضانک عددی ۲۰۴ در. ۶۰ مستکفہ قارشى ۱۴۴ اشتراک رأی واردر. ۲۰۴ دن حاجم بک ریاست ایچون ۱۱۴ رأی قازانمشدر. محکمہ نک رئیس اولمش. خلیل ابرہیم بک (آنطالیہ) مدعی عمومی اولهرق ۹۹ رأی آلمشدر. خواجه نصرت افندی (ارضروم) ۱۳۱ رأی ایله اعضا اولهرق قازانمشدر. حق پاشا (نیکدہ) ۱۲۶ رأی اعضا اولهرق قازانمشدر. رضا وامق بک (سینوب) ۸۶ رأی آلمشدر ، قازانہ مامشدر . خلیل ابرہیم بک آریجه اعضالغہ ۳۱ رأی آلمشدر.

رفیق شوکت بک (صاروخان) — شمندی آری تصنیف ایدن ذوات خلیل ابرہیم بک کراک اعضا اولهرق قازاندینی بوریده مدعی عمومی لک علاوہ ایدرسہ ک اکثرینی تأمین ایدہ جکدر دیورلر . (اولاما ز سسلری) حسین عونى بک (ارضروم) — اصول وقوانینہ مغایر حرکترلر ایجاد ایتیم .

رفیق شوکت بک (صاروخان) — نصل اولسہ بردها انتخاب ایدہ جکز اوقت یاپارز.

رئیس — افندم! جمعہ ایرتسی کونی ساعت برده اجتماع ایتمک اوزره جلسہ بی تعطیل ایدیورم .

ختم مذاکرات

دقیقہ ساعت

۵

ممالک مستخلصہ واستانبول اعشار حصہ اعانہ سی حقندہ کی قانونی قبول ایدن ذواتک اسامیسی مفید افندی قیرشهر ، عاصم بک ارضروم ، محمدراغب

بک آماسیہ ، وهی بک نیکدہ ، حیدر بک ایچ ایل ، دوکتور مصطفی بک قوزان ، موسی کاظم افندی قونیه ، مصطفی بک توقاد ، پوزان بک اورفہ ، صالح بک سعردہ ، مصطفی حلمی افندی نیکدہ ، محی الدین بک العزیز ، صبری بک قسطمونی ، خلیل بک ارطغرل ، نشئت بک کنغری ، قدری بک سعردہ ، ابراهیم بک ماردین ، ابراهیم بک قرہ سی ، راغب بک کوتاہیہ ، امین افندی آیدین ، رضا بک موش ، خسرو بک طربزون ، صدق بک ملاطیہ ، مصطفی بک قرہ حصار شرقی ، توفیق بک وان ، عبدالحق توفیق بک درسم ، عبدالله افندی سینوب ، نجیب بک ماردین ، فیاض عالی بک یوزغاد ، فکری فائق بک کنج ، رفیق شوکت بک صاروخان ، فوزی افندی باطوم ، عبدالقادر کالی بک قسطمونی ، محمد عاکف بک بوردور ، علی فؤاد پاشا آقرہ ، حسیب بک مرعش ، نجیبی غالب بک قیرشهر ، رضا وامق بک سینوب ، علی واصف بک کنج ، مصطفی کمال افندی ارطغرل ، ایوب صبری بک اسکیشهر ، خلیل خلقی افندی سعردہ ، عاکف بک باطوم ، محمد امین بک ارغنی ، راغب بک غازی عینتاب ، جلال بک کنج ، جمیل بک کوتاہیہ ، عمر ممتاز بک آقرہ ، محمد نادر بک اسپارطہ ، محمود بک ارغنی ، رؤف بک سیواس ، حاجی الیاس سامی افندی موش ، صدیق بک چوروم ، محمد وصفی بک قرہ حصار شرقی ، جلال نوری بک کلیولی ، عبدالله افندی بولی ، حاجی ولی افندی اسکیشهر ، عبدالغنی بک سیورہک ، فائق بک جبل برکت ، اوپرانور امین بک بروسہ ، حاجی عارف بک استانبول ، مصطفی فہمی افندی بروسہ ، نوری بک بولی ، بحری بک یوزغاد ، سری بک ارغنی ، ضیا بک سیواس ، ثابت بک قیصری ، سعید بک کنغری ، نجیب بک ارطغرل ، حاجی احمد افندی موش ، عبدالغنی بک موش ، دوکتور فؤاد بک بولی ، احمد نوری افندی باطوم ، رشدی بک مرعش ، محمد شکری بک قرہ حصار صاحب ، حمدی بک بیغا ، بصری بک قرہ سی ، جاوید بک قارص ، بک سیورہک ، مصطفی بک در

غازی عینتاب مبعوثی عبدالرحمن لامع افندیك نام
تخصیصاتی قبول ایدن ذواتك اسامیسی :

مدحت بك ماردین ، حسین عونی بك ارضروم ،
فائق بك جبل برکت ، درویش بك ماردین ، حیدر
لطفی بك ایچ ایل ، خلیل خلقی افندی سعرد ، حاجی بك
الغزیز ، مصطفی بك درسم ، حافظ ابراهیم افندی اسپارطه ،
حمدی بك جانیک ، مصطفی لطفی بك سیوهرك ، صدقی
بك ملاطیه ، محمود بك ارغنی ، جلال الدین بك طرزون ،
مصطفی نجاتی بك صاروخان ، رفعت افندی قونیه ،
دوقتور علی حیدر بك كنج ، عاصم بك ارضروم ، قدری
بك سعرد ، فرید بك چوروم ، عبدالغنی بك سیوهرك ،
زهرت بك ارغنی ، نجاتی افندی لازستان ، علی رضا
افندی باطوم ، ممدوح نجهدت بك قره حصار شرقی ، مظهر
مقید بك حكاری ، جاوید بك قارص ، ارسلان بك
مرعش ، طورسون بك چوروم ، عبدالله افندی بولی ،
فوزی افندی باطوم ، عثمان فوزی افندی ارزنجان ،
نجیب بك ارطغرل ، احمد نوری افندی باطوم ، بهجت
بك كنفری ، امین افندی آیدین ، نجیب بك ماردین ،
پوزان بك اورفه ، دوقتور مصطفی بك قوزان ، نشئت
بك كنفری ، یحیی غالب بك قیرشهر ، حسین بك مرعش ،
عثمان ذكی بك قیصری ، رؤف بك سیواس ، علی وفابك
آنطالیه ، عارف بك بتلیس ، حاجی عارف بك استانبول ،
عبدالغنی بك موش ، فخرالدین بك قارص ، اوپراتور امین بك
بروسه ، درویش بك بتلیس ، حاجی فیضی بك الغزیز ،
خلیل بك ارطغرل ، محی الدین بك الغزیز ، حاجی الیاس
سامی افندی موش ، ضیا بك سیواس ، شیخ سیفی افندی
كوتاهیه ، محمد صالح افندی ارضروم ، مصطفی كمال بك
ارطغرل ، راغب بك غازی عینتاب ، علی بك قره حصار
صاحب ، احمد حلمی بك قیصری ، تحسین بك مرعش ،
ایوب صبری بك اسكیشهر ، جلال بك كنج ، توفیق بك
وان ، وهبی بك بتلیس ، ابراهیم بك ماردین ، محمد
امین بك ارغنی ، نجم الدین بك سعرد ، یاسین بك غازی
عینتاب ، عونی بك صاروخان ، یوسف بك دكزلی ،
حسن افندی دكزلی ، عبدالقادر كمالی بك قسطنطنیه ،

درویش بك بتلیس ، شكری بك جانیک ، روشن بك
كموشخانه ، حق بك ارغنی ، دوقتور رفیق بك بایزید ،
احمد بك یوزغاد ، مصطفی نجاتی بك صاروخان ، حمدی
بك ارطغرل ، ممدوح بك قره حصار شرقی ، مختار فكری
بك مرسین ، حاجی شكری بك دیاربكر ، حسین عونی
بك ارضروم ، سامی بك ایچ ایل ، احمد حلمی بك قیصری ،
جودت بك كوتاهیه ، بهجت بك كنفری ، ضیا بك كنفری ،
عثمان ذكی بك قیصری ، خلیل ابراهیم بك آنطالیه ،
رسول بك بتلیس ، اسماعیل رمزی افندی اسپارطه ،
نصرت افندی ارضروم ، حافظ عبدالله افندی ایزمیت ،
یاسین بك اولتی ، یوسف بك دكزلی ، حافظ ابراهیم
افندی اسپارطه ، وهبی بك بتلیس ، حاجی بك الغزیز ،
نجاتی افندی لازستان ، فخرالدین بك قارص ، عالم افندی
قیصری ، فیضی بك دیاربكر ، خسرو سامی بك اسكیشهر ،
هاجم محی الدین بك قره سی ، رستم بك اولتی ، حسین
حسنی افندی اسپارطه ، علی حیدر بك كنج ، شكری
افندی قره حصار صاحب ، حاجی مصطفی افندی سعرد ،
نبیل افندی قره حصار صاحب ، حاجی مصطفی افندی
آقره ، سلیمان سری بك یوزغاد ، نجم الدین بك سعرد ،
فرید بك چوروم ، تحسین بك مرعش ، علی رضا افندی
اماسیه ، مظهر مقید بك حكاری ، حسین افندی قوزان ،
حاجی فیضی بك الغزیز ، علی بك قره حصار صاحب ،
عبدالغفور افندی قره سی ، امین بك جانیک ، حسن
تحسین بك آنطالیه ، علی رضا بك استانبول ، عمر لطفی
بك صاروخان ، حاجی نوری بك سعرد ، شیخ حسین
فوزی افندی ارزنجان ، حمید بك بیغاه ، اسماعیل بك ارضروم ،
زهرت بك ارغنی ، حسن افندی دكزلی ، سلیمان بك
ارضروم ، محمد صالح افندی ارضروم ، حسین حسنی
افندی استانبول ، حمدی بك جانیک ، مدحت بك ماردین ،
حسنی بك بتلیس ، شوق بك ایچ ایل .

مستكفیل

یاسین بك غازی عینتاب ، طورسون بك چوروم ،
عثمان فوزی افندی ارزنجان ،

اجتماع آئی روزنامہ سی

۱- ضبط سابقہ ضابطہ سی

۲- اوراق واردہ :

- سردار شیخ رشیدک بقیہ مدت جزایہ سنک عفوئی
- حقندہ ہیٹ وکیلہ دن مورود لایحہ قانونیہ
- ارجیشلی محمد اوغلی مصطفی و رفیقنک بقیہ مدت
- جزایہ لربنک عفوئی حقندہ ہیٹ وکیلہ دن مورود لایحہ قانونیہ
- زراعت بانکہ سی بودجہ سنہ تخصیصات منضمہ اعطاسنہ
- دائر ہیٹ وکیلہ دن مورود لایحہ قانونیہ
- اقتصاد و کاتی استانبول بودجہ سی حقندہ ہیٹ وکیلہ دن
- مورود لایحہ قانونیہ

- خیانت وطنیہ دن محکوم پایا پاولیس و رفیقاسی ایله خلیل
- اوغلی سیدی حقندہ عدلیہ و کالتندن مورود اوراق
- ولایات مستخلصہ و استانبول و بلاد ثلاثہ اموال
- غیر منقولہ ماملاتنہ منحصر تأجیل دیون حقندہ بوردور مبعوثی
- صوبہ صالی اسماعیل صبحی بک تکلیف قانونیسی

- مدینہ مجاورلرندن اولوب استانبولده بولنانلره معاشرلرینک
- تسویہ سی حقندہ ارضوم مبعوثی صالح افندینک تکلیف قانونیسی
- ممالک مستخلصہ مأمورینی حقندہ ہیٹ وکیلہ دن ظهور
- ایدن اختلافہ دائر انجمن مخصوص مضبطہ سنک تقدیم اندا کیر
- دائر کوتاہیہ مبعوثی جمیل بکله رفیق سنک معنی تقریری

- بولنارستانده بیقماسنہ قرار و بریلن جامع شریفک
- منع تخریبنہ تشب ایدلمی حقندہ بولی مبعوثی حلمی بک خارجه
- و کالتندن معنی تقریری
- قونیہ مبعوثی حاجی بکر افندینک پاموقلی قاشلرک
- کمرک رسمنہ دائر تقریری

- چوروم مبعوثی هاشم بکک لازستان لواسی اسمنک
- ریزه دیہہ یازلسنہ دائر تقریری
- انجمنلردن کلن مضبطه ل
- اطبا خدمت مجبوره قانون لایحہ سنہ دائر صحیہ
- انجمنی مضبطہ سی

انتخابات

- الجزیره استقلال محکمہ سی مدعی عمومیلکی و بر
- اعضالی ایچون انتخابات (ایکنجی دفعه)
- ولایات مستخلصہ استقلال محکمہ لری انتخاباتی
- محاکمات هیئت انتخاباتی
- بوکون مذاکره ایدیله جک مواد
- آلات زراعیہ ده استعمال ایدیله جک مواد مشتعلہ
- و خارجدن ادخال ایدیله جک حیواناتدن رسوم آلتامسی حقندہ لایحہ
- قانون جزائک ۲۰۳ نجی ماده سنک تمدانہ
- ممالک مشغولہ محاکم مقرراتنہ

مصطفی فہمی افندی روسہ، شکری بک جانیک، رفیق شوکت بک صاروخان .

نام تخصیصاتی قبول ایتمین ذواتک اسامیدی

مختار فکری بک مرسین ، ضمیر بک آطنہ ، یوسف ضیا بک بتلیس ، عالم افندی قیصری ، رسول بک بتلیس ، روشن بک کشخانہ ، جلال نوری بک کلیولی ، عبدالغفور افندی قرہ سی ، نابت بک قیصری ، حسین بک ارزنجان ، حاجی بکر افندی قونیہ ، بحری بک یوزغاد ، رشیدی بک مرعش ، حافظ عبدالله افندی ایزمیت ، عمر ممتاز بک آنقرہ ، علی رضا افندی آماسیہ ، سلیمان نجائی بک ارضوم ، محمد شکری بک قرہ حصار صاحب ، مظلوم بابا افندی دکزلی ، اسماعیل بک ارضوم ، اسماعیل رمزی افندی اسپارطہ ، واصف بک سیواس ، سعید بک کنقری ، جمیل بک کوتاہیہ ، امین بک جانیک ، سعید بک کنقری ، حسین حسنی افندی استانبول ، حمید بک بیغا ، سامی بک ایچایل ، عبدالله افندی سینوب ، حاجی ولی افندی اسکیشہر ، عنوی بک صاروخان ، حاجی شکری بک دیاربکر ، علی رضا بک استانبول ، رضا بک یوزغاد ، فیاض عالی بک یوزغاد ، حسن تحسین بک آنطالیہ ، عثمان زاده حمدی بک ارطغرل ، حاجی مصطفی افندی آنقرہ ، نوری بک بولی ، احمد بک یوزغاد ، وهجی بک نیکدہ ، موسی کاظم بک قونیہ ، رشاد بک صاروخان ، حسنی بک بتلیس ، محمد نادر بک اسپارطہ

مستکفرا

مصطفی حلمی بک نیکدہ ، صالح بک سعرد ، حسن بصری بک قرہ سی ، مصطفی وصفی بک توقاد ، ابراہیم بک قرہ سی ، نصرت افندی ارضوم ، حسین حسنی افندی اسپارطہ ، علی واصف بک کنج ، ہاجم محی الدین بک قرہ سی ، یاسین بک اولتی ، حاجی نوری بک سعرد ، ابراہیم بک قرہ سی ، رستم بک اولتی ، عاکف بک باطوم ، شکری افندی قرہ حصار صاحب ، اسماعیل صبحی بک بوردور .

